



Clypeus Theologiæ Thomisticæ

In Tres Partes Divisus, Et Quinque Volvminibvs Comprehensvs

[Tractatus de attributis, de visione beatifica, de scientia Dei ac de ejus voluntate et providentia]

Gonet, Jean-Baptiste

Coloniæ Agrippinæ, 1671

Art. V. Utrum Beati in verbo, vel extra Verbum, omnes creaturas possibles cognoscere possint?

[urn:nbn:de:hbz:466:1-77132](#)

creatus, in verbo cognoscit, non quidem omnia simpli-
citer, sed tantum plura, quanto perfectius videt verbum.
18 Inferes secundum, beatos cognoscere in essen-
tia divina tanquam in causa, non solum creatu-
ras possibles, sed etiam existentes, & futuras;
non quidem omnes, sed aliquas, juxta propor-
tionem luminis gloriae, quo illorum intellectus
perficiuntur.

Probatur: Etsi potentia divina absolute
sumpta, per modum actus primi, non inferat
existentiam aut futuritionem creaturarum, ad-
junctio tamen decretum, necessariò illam inferit,
& necessariò cum illis connectitur: Ergo sicut
in illa nuda sumpta, & veluti in actu primo con-
siderata, cognoscuntur creature possibles; ita
in illa, ut determinata per decretum liberum,
cognosci poterunt existentes aut futurae.

Confirmatur: Deus res futuras cognoscit in
sua essentia, per liberum decretum sua voluntati-
tis determinata, ut ostendemus in Tractatu de
scientia Dei. Ergo eodem modo beatus poterit
illae cognoscere; quandoquidem visio beatifica
est divina cognitionis & scientiae participatio.

19 Inferes tertio, hanc esse differentiam inter
creature possibles, & existentes, vel futuras,
respectu visionis beatæ, quod cum creatura pos-
sibles habeant necessariam connexionem cum
essentia divina, nullius creature possibilis visio
(italis creatura possit attingi ex vi luminis &
visionis) dependet à peculiari aliquia directione
seu manifestatione divina, sed juxta quantita-
tem luminis gloriae, & penetrationis essentiae
divinae, videntur creature possibles respondentes
ejusmodi penetrationi & lumini: at cum
creature existentes non habeant necessariam,
sed liberam cum essentia divina connexionem,
non dependent solum à lumine & penetratione
divina naturæ, sed etiam ab offensione consilii
liberi Dei, ut antea exposuimus. Quapropter
etiam illæ creature existentes vel futurae, qua
ex visionis, & luminis secundum se considerati,
huc & nunc possint attingi, non attinguntur
de facto, nisi manifestetur illa libera con-
nexio cum essentia divina.

20 Inferes quartò, quod cum dicimus beatos vi-
dere creature in Deo ut in causa, non intelligi-
tur solum nomine causa attributum omnipotentiæ,
sed omnia attributa, que suo modo ad
creatuarum productionem concurrunt: ut idea
repräsentando, essentiam Dei ut imitabilem &
participalem à creaturis, sapientia & ars diri-
gendo, voluntas applicando, justitia dando
quod cuilibet debetur & conveniat, omaipo-
tentia exequendo, & sic de aliis.

ARTICULUS V.

Vtrum beati in verbo, vel extra verbum, om-
nes creature possiles cognoscere possint?

In his difficultatis resolutione, tres reperio-
Authorum sententias, duas extremitates opposi-
tas, & aliam medium. Prima afferit omnes crea-
ture possibles à beatis videri posse, non solum
extra verbum, per species à Deo infusas, sed etiam
in verbo, & in essentia divina tanquam in
causa. Ita Alenfis, Scotus, Durandus, & alii, qui
non solum id non repugnare existimant, sed etiam
affirunt, animam Christi omnia possibilia
in verbo per essentiam beatam de facto cognoscere. Secunda negat totam collectionem possi-
bilium, sive in verbo, sive extra verbum, posse
à beatis cognosci. Ita docent plures Theologi
tam domesticam, quam extraneam. Tertia sententia

A inter illas duras extremas media, docet impossibile quidem esse quod omnes creature possibles in verbo cognoscantur, non repugnare tamen eas extra verbum, per scientiam infusam à Christo, & aliis beatis cognosci. Ita illustrissimus Dominus Godoy, Episcopus Oxomoniensis, in manuscriptis Tractatus de Scientia Christi.

S. I.

Prima difficultas resolvitur.

Dico primò: Beati non possunt in verbo, seu
in essentia divina tanquam in causa, omnes
creature possibles cognoscere. Ita D. Thomas
hic art. 8. & 3. contra Gentes cap. 56. quibus lo-
cis hanc rationem fundamentalem nostræ con-
clusionis insinuat.

Cognitio omnium possibilium in divina es-
sentia cognita, est divinæ essentiae comprehen-
sio: Sed implicat intellectum creatum Dei es-
sentiam comprehendere: Ergo & omnia pos-
sibilitas in divina essentia cognoscere. Minor pater
ex supra dictis, Major vero sic ostenditur. Eo
modo unum in alio cognoscitur, quo in illo
continetur. Sed creature continentur in Deo, ut
effectus in causa: Ergo in illo cognoscuntur, sicut
effectus in causa: Atqui cognitio omnium effec-
tuum in aliqua causa cognita, ex vi cognitionis
illius, est causæ comprehensio: Ergo cognitio
omnium possibilium in divina essentia cognita,
est divinæ essentiae comprehensio. Minor sub-
sumpta probatur. Quantò perfectius cognoscuntur
causa, tanto plures effectus cognoscuntur in
illa: Ergo non possunt omnes effectus alicuius
causa cognosci ex vi cognitionis causæ, nisi in
causa cognita omni perfectione possibili: Sed
cognitio causa perfecta omni perfectione pos-
sibili, est illius comprehensio: Ergo cognitio
omnium effectuum in aliqua causa, est ipsius
comprehensio.

Respondet Scotus, falsum esse id quod D.
Thomas assumit pro fundamento, nempe res
cognosci à Deo, sicut effectus in causa: non enim
sunt cognoscuntur, sed sicut res in speculo volun-
tario, ut docet Augustinus libro de videndo
Deo; ac proinde, quamvis ex cognitione om-
nium effectuum in causa, sequatur causa com-
prehensio; ex cognitione tamen omnium possi-
bilium non sequitur comprehensio Dei.

Sed contra primò: Eodem modo beati co-
gnoscunt creature in essentia divina, quod Deus
illas in seipso contemplatur, cum visio beatifica
sit participatio divinæ cognitionis: Sed Deus in
seipso tanquam in causa, & non solum tanquam
in speculo, cognoscit creature, ut passim do-
cent SS. Patres, quos referemus in Tractatu de
scientia Dei: Ergo beati cognoscunt creature
in essentia divina tanquam in causa, & non so-
lum velut in speculo.

Secundò, Ex Augustino, 10. de civit. cap. 7.
Angeli beati per cognitionem, quam vocat ma-
tutinam, cognoscunt creature in essentia divina
velut in arte per quam facta sunt: Atqui ars non
habet rationem speculi, sed causæ efficientis re-
spectu artefactorum: Ergo beati non cogno-
scunt creature in essentia divina, velut in spe-
culo, sed tanquam in causa.

Tertiò, Res sunt in Deo propriè ut in causa,
metaphorice autem in illo sunt ut in speculo:
Sed res cognoscuntur in aliquo eo modo quod
sunt in illo: Ergo creature cognoscuntur à Deo
propriè ut in causa, metaphorice autem tan-
quam in speculo. Minor pater, Major etiam,

Y 3 quan-

DISPUTATIO QVINTA

74

quantum ad primam partem, est evidens, Deus A enim cum omni proprietate est causa creaturae. Probatur vero quantum ad secundam, ratione quam insinuat D. Thomas quest. 12. de verit. art. 4. Speculum accipit species a rebus representatis: Deus autem rerum species continet, non per resultantiam ex illis, sed ante illas a se: Ergo propriè speculum creaturarum est, sed tantum metaphoricè, quatenus cum speculo convenit in repræsentando distinctè & in particulari objecta quæ in ipso repræsentantur. Et in hoc sensu intelligendus est Augustinus, cum libro citato de videndo Deo, docet creature cognosci in Deo, velut in speculo.

3 Respondent alii. Quod quavis creature possibilis in essentia divina tanquam in causa cognoscantur, cognitionem tamen omnium possibiliū in divina essentia cognita, non esse, nec inferre comprehensio[n]em intensivam illius, sed tantum extensivam: licet autem implicit divinam essentiam intensivè comprehendendi ab intellectu beato; non tamen ab illo comprehendendi extensivè, neque id Scripturæ vel SS. Patribus dissonu est.

Verum hæc solutio quam ex Aureolo apud Casproul desumpserunt Recentiores, vim rationis D. Thomæ nō infringit: licet enim (ut rectè obseruavit Ferrariensis) contra Gent. c. 56.) ex cognitione omnium possibilium in seipsis, tantum inferatur cognitio perfectissima causa extensivè; tamen nō stat cognitio omnium in essentia divina, ita ut essentia sit ratio cognoscendi, absque eo quod illa cognoscatur, quantum cognoscibilis est extensivè, ac proinde comprehendatur. Sicut non stat cognoscere in principio omnes conclusiones virtualiter in illo contentas, & illud non cognosci, quantum cognoscibile est, etiam intensivè.

Confirmatur: Non potest penetrari virtus infinita, & infinite participabilis, sine infinita claritate & intentione, cum hac sola sufficiat ad penetrandum omnem modum quod virtus illa infinita participabilis est; tanto siquidem magis seu intensius lumen gloriae requiritur, quanto plures creature possibilis in divina essentia & omnipotencia cognoscuntur: Ergo ad exhaustandam & penetrandam infinitam rerum possibilium, quæ in Dei essentia & potentia latent, collectionem, lumen gloriae infinitè intensum requiritur. Unde D. Thomas hic art. 7. ex eo probat impossibilitatem esse Deum comprehendendi ab intellectu creato, quod lumen gloriae creatum, in quocumque intellectu creato receptum, nō possit esse infinitum.

§. II.

Solvuntur objectiones.

4 Objicies primò: Quidquid Deus potest facere, est minus quam ipse Deus, subinde que faciliter potest a beatis cognosci: Sed Deus potest videri, & de facto videtur a beatis: Ergo à fortiori tota rerum possibilium collectio potest a beatis in verbo cognosci.

Respondeo quod licet omnium possibilium cognitio extra verbum sit quid minus, quam ipse Deus, ut cognoscibilis; omnium tamen possibilium collectio, non ut in se cognoscenda, sed ut cognoscenda in verbo, non est quid minus quam ipse Deus, in ratione intelligibilis; quia prouhic, ipius Dei intelligibilitate intelligibilis constituitur. Solutio est D. Thomas hic art. 8. ubi sibi hoc argumentum objicit: Qui intelligit quod est maius, potest intelligere minima, ut dicitur 3. de anima: Sed omnia quæ Deus facit vel facere potest, sunt minus, quam ejus essentia: Ergo quicunque in-

telligit Deum, potest intelligere omnia quæ Deus facit, vel facere potest. Et sic responderet: Ad tertium dicendum, quod licet maius sit videre Deum, quam omnia alia: tamen maius est videre sic Deum, quod omnia in eo cognoscantur, quam videre sic ipsum, quod non omnia, sed pauciora, vel plura cognoscantur in eo. Nam enim ostensum est, quod multitudo cognitorum in Deo, consequitur modum videndi ipsum, vel magis perfectum, vel minus perfectum.

Objicies secundò cum Durando: Intellectus creatus clarè videns Dei essentiam, necessariò videt in ipsa, omnia quæ naturaliter repræsentat: Sed essentia divina repræsentat naturaliter omnes creature possibilis: Ergo intellectus creatus clarè videns Dei essentiam, in ea cognoscit omnes creature possibilis. Major videtur certa, Minor vero sic ostenditur. Divina essentia repræsentat creature possibilis, ut causa, ratio omnipotentia, ut habent virtutem productivam, non vero ut actu producentis: Seu vis productiva natura, iter illi convenienter: Ergo naturaliter repræsentat omnes creature possibilis.

Respondeo distinguendo Majorem: Necessariò cognoscit omnia quæ divina essentia naturaliter repræsentat intellectui creato ipsum vidente, concedo Majorem. Omnia quæ naturaliter repræsentat intellectui divino, non vero ipsi intellectui creato, nego Majorem, & sub eadem distinctione Minoris, nego Consequentiam.

Explicatur solutio: Licet essentia divina, quantum est de se, possit omnia possibilia repræsentare, & de facto ea repræsentat intellectui divino cui unitur adæquatè, ea tamen non repræsentat nec repræsentare potest intellectui beatorum, quia est impedimentum ex parte intellectus creati, nimis limitatio activitatis, & luminis, juxta cuius proportionem unitur divina essentia in ratione speciei, & in ratione objecti; unde ut ipsi adæquate, & ut repræsentant totam collectionem rerum possibilium uniretur, requireretur lumen gloriae infinitè intensum, quod in intellectu creato & finito recipi nequit, cum inter perfectivum & perfectibile nequeat esse propertio. Unde, ut suprà dicebamus, D. Thomas hic art. 7. probat nullum intellectum creatum posse Deum comprehendere, quia lumen gloriae creatum, in quocumq; intellectu creato receptum, non potest esse infinitum.

Objicies tertio: Si beati non possent in verbo omnia possibilia cognoscere, maximè quia Dei essentiam & omnipotentiam comprehendenderent: Sed ex cognitione omnium possibilium in verbo, non rectè infertur comprehensio divina essentia & omnipotentia: Ergo &c., Major cōtinet principiu[m] fundamentum nostræ sententia, Minor vero, in qua est difficultas, probatur primo, Beati cognoscunt terminum adæquatum potentia generativa Patris, nempe Filium ab illo productum, & tamen talem potentiam non comprehendunt: Ergo similiter licet terminum adæquatum omnipotentia Dei, tamen scilicet collectionem rerum possibilium cognoscere, illam tam propter ea non comprehendenderent.

Secundò, Anima Christi videt in verbo omnia quæ Deus cognoscit per scientiam visionis, ut docet D. Tho. 3. p. quest. 10. art. 2. ad 2. & tamen talem scientiam non comprehendit: Ergo similiter, quamvis videtur in verbo omnes creature possibilis, divinam omnipotentiam, vel scientiam simplicis intelligentiæ non comprehendenter.

Tertio, Beati de absoluta potentia, possunt cognoscere

gnoscere omnia possibilia extra verbum, & in seipsis, ut dicemus sequenti; & tamen Deum comprehendere nequeunt, ut supra ostensum est: Ergo ex cognitione omnium possibilium non recte infertur Dei comprehensio.

Diff. 4 art. 3.
68 Respondeo concessa Majori, negando Minorē, & ad primam ejus probat. Nem dicendum est, ad comprehendendam aliquam virtutem aut potentiam, non sufficere attingere quomodocumque terminū ejus adæquatum, sed requiri quod illa adæquata cognoscatur, & secundum omnes modos & rationes, quae ad ipsum pertinent: unde licet beatitudine Verbum Divinum, vident terminū adæquatum potentia generativa Patris; quia tamen illum non vident adæquate, & penetrando omnem ejus eminentiam, omnesque rationes cognoscibilitatis, quae sunt in ipso (qualis est v.g. ratio idea & exemplaris omnium creaturarū existentium, futurorum, & possibilium, quam habet ex vi sua originis) potentiam generativam Patris aeterni quo procedit, non comprehendunt. Si autē beatus videret omnes creature possibles in verbo, adæquatū terminū divinæ omnipotentia cognosceret adæquate, & quantum ex natura sua cognoscibilis est: quod patet ex eo, quod Deus aliquid amplius de sua potencia non potest cognoscere, alioquin falsa esset ejus cognitione, cum ultra collectionem omnium possibilium non restet nisi impossibile.

Ad secundam, concessa Antecedente, nego Consequentiam, & paritatem. Ratio disparitatis est, quia creatura existentes, aut futura, non sunt terminus adæquatus scientia visionis, cum per eandem scientiam plures alias Deus possit producere, & videre, collectio vero creaturarum possibilium est terminus adæquatus divinæ omnipotentia, cum ultra illam nihil aliud possit à Deo producere cognoscere ut possibile, per scientiam simplicis intelligentia.

Ad tertiam dicendi, quod licet ex cognitione omnium possibilium extra verbum, non recte infertur Dei comprehensio, bene tamē ex cognitione illorū in verbo, seu in essentia divina ut in causa. Ratio vero discriminis evidens est, si enim omnia possibilia videntur in verbo cognoscuntur in illo ut in causa, & principio à quo derivarentur, & ita virtus productiva ipsius adæquate cognoscetur, si autē extra verbum, & in seipsis cognoscetur, licet videretur totū quod Deus potest producere, materiāliter, & in se, non tamen in suo principio & causa, & ut derivatur à virtute sui productiva; & ita ipsa virtus productiva non videretur, licet videretur res quae ester terminus ejus: dū autem virtus productiva causa non videtur, ipsa causa non comprehendetur, ut magis patebit ex dicendis articulo sequenti.

Alia argumenta quae contra istam conclusiōnem fieri possunt, proponentur & solventur in Tractatu de Incarnatione, cū agemus de scientia beata anima Christi. Unde ad hunc locum Lectorem remittimus, ut pleniorē hujus difficultatis resolutionē habere possit.

§. III.

Alia difficultas expeditur.

Dico secundō: Non implicat totam possibilium collectionem extra verbum quidditatis cognosci.

69 Probatur primō ex D. Thoma quest. 20. de verit. art. 5. ubi docet anima Christi non cognoscere per scientiam beatam omnia possibilia, & in contrarium sibi primō hoc argumentum obicit: Quicunque, scit maius, potest scire minus: Sed Deus

A est maius, quam quidquid potest facere: Ergo cū anima Christi cognoscat Deum, multò magis potest cognoscere, quidquid Deus potest facere. Cui argumento sic responderet: Ad primum dicendum quod quidquid Deus potest facere, est minus quam ipse Deus, & faciliter posset ab anima Christi cognosci; si anima Christi per se offerret quidquid Deus potest facere, sicut per se ei presentatur ipse Deus: nunc autem ea quae potest facere Deus, non offeruntur anima Christi in seipsis, sed in verbo, & ideo ratio non sequitur. Ex quibus verbis manifeste colligitur, D. Thomam sentire, nullam esse implicantiam in hoc quod tota possibilium collectio extra verbum cognoscatur. Tum quia si id implicaret, non debuit sit dicere, quod cognitio omnium possibilium extra verbum esset facilior cognitione Dei, sed quod esset impossibilis & repugnans. Tum etiā quia quod ab anima Christi de facto tota possibilium collectio non cognoscatur, reducit ad hoc quod ei de facto non offertur: At si omnium possibilium cognitio extra verbum contradictionem involveret, certa cognitionis illorum in anima Christi, melius ad implicantiam seu impossibilitatem cognoscendi totam possibilium collectio reduceretur, quam ad hoc quod de facto ei non represententur omnia possibilia collectiva: Ergo sentit D. Thomas, non implicare totam possibilium collectio extra verbum cognosci.

C Probatur secundō conclusio, convellendo duo principia adversa sententia fundamenta. Si cognitione omnium possibilium in seipsis, & extra verbum implicaret, maxime quia talis cognitione esset comprehensiva Dei, & infinita, utpote ad objecta infinita terminata: Sed neutrum tali cognitioni competere: Ergo illa contradictionem non implicat. Major continet principium fundamentum adversa sententia; Minor vero quoad utramque partem suadetur. Et in primis quod ex cognitione omnium possibilium extra verbum non sequatur Dei comprehensio, sic ostenditur. Comprehensio causæ non infertur, nisi ex cognitione suorum esse etiū in ipsa, & ex ipsa; nisi enim isto modo cognoscantur, non cognoscitur causa, quantum cognoscibilis est, quod ad illius comprehensionem requiritur: Ergo cognitione omnium possibilium in seipsis nec est comprehensiva divinæ omnipotentie, nec illius comprehensionem infert.

Quod vero talis cognitione non deberet esse infinita, probatur ex D. Thoma 3. p. quæst. 10. art. 3. ad 2. ubi docet scientiam comprehendivam infiniti per essentiam, necessariō esse infinitam; infiniti vero aliter, v.g. multitudine, finiti tamen secundum essentiam, scientia non esse necessariō infinitam; quod scientia finita vel infinita sit, ex finitate vel infinitate proprii obiecti: proprium autem objectum intellectus est quidditas sub ratione quidditatis; & ideo si quidditas est finita, quamvis habeat aliam infinitatem, scientia talis quidditatis non est necessariō infinita. Unde sic licet arguere: Sola cognitione infiniti secundum essentiam, est necessariō infinita, si comprehensiva sit: Sed omnium possibiliū collectio non est infinita secundum essentiam: Ergo cognitione totius collectionis possibilium non est necessariō infinita.

Confirmatur & magis illustratur hæc ratio. Juxta D. Thomā citatum, omnia individua sub aliqua specie cōtentā, quantumvis sint infinita, possunt cognosci per finitam cognitionem, quia cōveniunt in quidditate specifica, limitata, & finita; & juxta eundem S. Doctorē quæst. 20. de verit. art. 4.

DISPV TATIO QVINTA

176

art. 4. ad 5. qui cognosceret per naturam generis A infinitas species contentas sub tali genere, finita cognitione cognosceret, quia licet species essent multitudine infinita, continerentur tamen sub natura finita. Sed omnes creature possibles, et si sunt multitudine infinita, continerentur tamen sub ratione entitatis & quidditatis finitae: Ergo possunt cognosci per cognitionem finitam.

Dices. Individua convenire univocè in natura speciei, & species in natura generis, quæ est unus quidditatis finitæ; & ideo possunt per unam cognitionem finitam attingi: omnia autem possibilia non convenient univocè in aliqua una natura, ens enim creatum, quod tantum est illis superioris, non habet unitatem univocam; unde non est una quidditas, sed omnium quidditatum aggregatio seu collectio, subindeque nequit unam cognitionem finitam terminare.

Sed contra: Licet ens creatum in essendo solum gaudeat unitate analogâ, in ratione tamen objecti sufficientem habet unitatem, ut unam possit cognitionem terminare: Ergo solutio est nulla. Antecedens probatur. Non obstante unitate tantum analogâ quam habet in ratione entis, habet in ratione cognoscibilis unitatem sufficientem ut unam potentiam intellectivam, & unum Metaphysicæ habitum terminaret: Ergo pariter sufficientem unitatem habet in ratione objecti cognoscibilis, ad terminandam & specificandam unicam cognitionem.

Ex quo impugnatum manet aliud Adversariorum fundamentum: existimant enim implicare totam possibilium collectionem extra verbum quidditativè cognosci, eo quod ad illam requirentur infinita species in actu, quæ sunt impossibilis; vel saltem una quæ esset infinitè perfecta, ut pote quæ totum genus entis creabileis representaret, quarnetiam dari repugnat. Patet, inquam, ex dictis hujus rationis ineffacia: In primis enim quod ad cognoscenda extra verbum omnia possibilia, non essent necessariae species infinita, conatur: si enim non obstante unitate analogâ, quam ens creatum & creabile habet in ratione entis, habeat in ratione cognoscibilis sufficientem unitatem ad terminandam & specificandam unicam cognitionem, illam etiam habebit, ut per unicam speciem, intellectui creato representari possit.

Quod vero species omnia possibilia representans, non deberet esse entitativè infinita, etiam ex dictis colligitur: sola enim infinitas objecti in ratione quidditatis, arguit infinitatem in specie, sicut sola haec infinitas inferit infinitatem cognitionis, ut ex D. Thoma supra vidimus: Sed collectio possibilium, et si coalescat ex quidditatibus infinitis multitudine, non est infinita in ratione quidditatis: Ergo ex infinita multitudine rerum possibilium, non recte colligitur infinitas entitativa in specie quidditativa illius.

Confirmatur: Species representans infinitas aliquius generis species, entitativè infinita non est, quia omnes continentur sub uno genere quidditativè finito, ut docet S. Doctor loco supra citato ex qua rationibus disputatis: Sed omnes creature possibilia continentur sub ratione analoga finita quidditativè: Ergo possunt representari per speciem entitativem finitam.

Confirmatur amplius: Sola species infinito modo representans objectum infinitum, infinitatem ab objecto desumit: Sed species quæ representaret collectionem possibilium, non infi-

nito, sed finito modo representaret illam: Ergo non esset infinita entitativa.

§. IV.

Principia objectiones solvuntur.

O Bjicies primo, Implicat lumen intellectuale, & cognitionem hominis, vel Angeli, esse infinita: Sed collectio omnium possibilium non potest attingi nisi per lumen, & cognitionem infinitam: Ergo implicat totam collectionem possibilium extra verbum, ab homine vel Angelo cognosci. Major supponitur ex Philosophia, Minor vero sic ostenditur. Objectum infinitum finito lumine & cognitione finita attingi nequit: Sed omnium possibilium collectio infinita est: Ergo non nisi infinito lumine, & cognitione infinita, potest cognosci.

Respondeo concessa Majori, negando Minor, ad cuius probationem dicendum est, quod licet objectum infinitum non possit infinito modo & comprehensivo attingi, nisi per lumen & cognitionem infinitam; potest tamen finito modo, & quidditativè cognosci, finito lumine, & cognitione finita, ut patet in visione beatifica; beati enim per lumen gloriarum finitum, & per visionem similiter finitam. Deum quidditativè cognoscunt, quamvis sit infinitus per essentiam, Unde sic arguo: Infinitas Dei est major, quam infinitas collectionis possibilium, cum haec sit tantum infinitas multitudinis, & per participationem, illa vero infinitas per essentiam: At infinitas divina non obstat, quominus Deus possit ab intellectu creato per lumen & cognitionem finitam quidditativè cognosci. Ergo nec infinitas collectionis possibilium obstat poterit, quia ab intellectu creato, per lumen finitum, & finitam cognitionem, quidditativè possit cognosci.

Objecit secundo: Non potest dari cognitione specie representante objectum: Sed nulla potest dari species, quæ omnia possibilia representent: Ergo tota collectio possibilium non potest a beatis extra verbum cognosci. Major supponitur ex Philosophia, Minor vero siudetur. Species representans totam collectionem possibilium esset actu infinita: Sed implicat dari speciem actu infinitam, cum non sit dabile infinitum in actu: Ergo implicat dari speciem quæ omnia possibilia representent. Minor patet, Major probatur. Species representans omnia possibilia, esset eisdem quidditatibus cum tota possibilium collectione: Sed collectio possibilium est infinita: Ergo species omnia possibilia representans esset actu infinita.

Respondeo concessa Majori, negando Minor, & ad ejus probationem, nego Majorem; species enim representans totam collectionem possibilium, non esset actu infinita, sed finita. Ad probationem autem in contrarium, nego etiam Majorem; non enim recte colligitur infinitas speciei omnia possibilia representantis, ex infinite objecti quod representaret. Tum quia illud finito modo representaret: ut autem ex objecto infinito, infinitas derivetur ad speciem, debet modo infinitus, infinitaque efficacia tale objectum attingere; ut constat in actu charitatis, habente pro objecto Deum, à quo tamen infinitam dignitatem non accipit, quia vis seu perfectio infinita objecti impeditur à limitatione conatus, & virtutis operativæ, ne infinitatem in talen actu transfundat. Tum etiam, quia omnia possibilia representarentur à specie, ut staret sub quidditate finita, cuius oppositum necessaria.

stellarium erat, ut infinitas objecta transfundere A tur ad speciem, ut supra dicebamus loquentes de cognitione.

Dices: Non stat Deum quidditativè contineri 78 in specie finito modo ipsum representante, quia Deus infinitus est: Sed collectio possibilium etiam est infinita: Ergo nequit quidditativè contineri in specie illam representante modo finito.

Respondeo distinguendo causalem Majoris: Quia infinitus est, utcumque, nego Majorem. Quia infinitus est in ratione quidditatis, concedo Majoris. Similiter distinguo Minorem: Collectio possibilium est infinita in multitudine, concedo Minorem. In ratione quidditatis, nego Minorem, & Consequentiam.

Ratio autem discriminis inter utrumque genus infiniti est duplex. Prima, quia species quidditativè representans objectum, debet esse ejusdem immaterialitatis cum illo, saltem quoad gradum, ut disp. 2. art. 1. ostendimus est: implicat autem speciem finitam convenire cum Deo in gradu immaterialitatis; quia, ut ibidem dicebamus, gradus immaterialitatis divinae, nedum materialis physicam, verum etiam metaphysicam, id est potentialitatem omnem excludit; quae exclusio nulli entitati creatæ & finitæ potest competere: non autem repugnat entitati finitæ, cum tota collectione possibilium, quantumvis sit infinita, in gradu immaterialitatis convenire; & ideo non repugnat entitati finitæ, totam collectionem possibilium representare quidditativè.

Secunda ratio discriminis est, quia species quidditativæ petit univocam convenientiam cum objecto representante, ut loco citato cum D. Thoma demonstravimus: repugnat autem convenientia univoca entitatis finitæ cum Deo, non autem cum tota collectione possibilium; & ideo implicat quod species entitativæ finita, representante Deum quidditativè; non autem quod species finitæ entitativæ, totam collectionem possibilium quidditativæ representent.

79 Objicies tertio: Si cognitio omnium possibilium extra verbum, esset possibilis, deberet attribui anima Christi, cum ipsis tribuenda sit omnis perfectio possibilis, cum majori perfectione non incompossibilis, ut docent Theologi in Tractatu de Incarnatione: Sed cognitio omnium possibilium extra verbum, anima Christi non conceditur Theologis, immo ipsis expresse denegatur à D. Thoma, quæst. 20. de verit. art. 5. ad 1. verbis supra in prima probatione conclusionis relativi: Ergo talis cognitio possibilis non est.

80 Respondeo negando sequelam Majoris, est enim inconveniens, quod plura cognoscantur ab anima Christi Domini, per scientiam rerum extra verbum, quam per cognitionem rerum in verbo: unde cum anima Christi non cognoverit in verbo, per scientiam beatam, totam possiblum collectionem, ut §. 1. ostendimus; dicendum est quod pariter illam non cognovit extra verbum, per scientiam infusam. Ad probationem in contrarium dico, quod licet anima Christi tribuenda sit omnis perfectio possibilis, quæ ilius modo connaturali operandi non opponitur, illa tamen quæ modum connaturalem operandi ipsius non servat, ei concedenda non est: talis autem est omnium possibilium cognitio extra verbum, quia ut docet D. Thomas 3. parte quæst. 11. art. 4. connaturali est anima Christi, ut recipiat species minus universales, quam illa Tom. I.

qua fuerunt indite mentibus Angelorum: unde cum omnium possibilium cognitio haberi nequeat ab anima Christi, absque specie in illa recepta, qua universaliter sit speciebus mentibus Angelorum infusis, cognitio totius collectionis possibilium extra verbum, non est consentanea connaturali modo operandi anima Christi.

ARTICULUS IV.

An Deus ut est in se videri possit, nullâ visâ creaturâ possibili in particulari?

B V Azquez hic disp. 50. cap. 4. in eo dicit esse rognantiam, quod ex una parte Thomistæ asserunt videri creaturas in Deo, ex vi visionis divinæ essentia, & ex altera dicunt visum Deo posse nullam creaturam possibilem in particula- ri videri. Nihilominus

Dico breviter, non implicare quod Deus ut in se est videatur, nullâ visâ creaturâ possibili in particulari.

Probatur: Omnipotentia divina multò magis est absoluta & independens qualibet creatura in particulari, quam virtus vel potentia creata à suis effectibus, vel objectis materialibus: Sed causa & virtutes creatæ possunt in se videri, & quidditativè cognosci, non vis in particulari illarum effectibus, aut objectis materialibus; ut consit in potentia visiva, quam possumus quidditativè cognoscere, ramethi nullum colorem in particulari ab ea visum percipiamus: Ergo a fortiori potest Deus quidditativè cognosci & videri ut in se est, nullâ visâ creaturâ possibili in particulari.

C Confirmatur primò: Ad cognoscendam quid- ditativæ omnipotentiam divinam, non debent omnes creaturæ possibles in particulari in ea cognosci; alioquin illa non posset videri & quid- ditativæ cognosci, nisi comprehenderetur: Ergo neque aliqua determinate debet videri. Consequens patet, non est enim major ratio, cur unius portus debeat videri quam altera.

Confirmatur secundò: Divina essentia est ratio cognoscendi creaturas possibles, ad eum modum quo principium demonstrationis est ratio cognoscendi conclusiones, ut docet D. Thomas hinc art. 8. nam creaturæ possibles sunt tantum virtualiter aut eminenter in Deo, sicut conclusiones in principio: Ergo sicut principium aliquius demonstrationis clare in se videri potest, nullâ visâ conclusione in particulari & determinate, ita & divina essentia, nullâ visâ creaturâ possibili. Quare idem S. Doctor ibidem in resp. ad 4. Si solus Deus videretur qui est fons totius esse & veritatis, ita repleretur naturale desiderium sciendi, quod nihil aliud quereretur, & videntes Deum, esset beatus: Unde dicit Augustinus, Confess. In felix homo qui scit omnia illa, scilicet creaturas, te autem nescit Beatus autem qui te scit, etiam illa nesciat. Qui vero te & illa novit, non propter illa beatior est, sed propter te solum beatus.

E Objicies primò: Si aliqua ex creaturis in parti- culari redderetur impossibilis, omnipotentia Dei desiceret: Ergo illa est conexa cum possibili- tate cuiuslibet creaturae in particulari, & consequenter non potest in se videri, & quidditativæ cognosci, nisi creaturæ possibles in parti- culari videantur.

Respondeo, quod licet desiceret omnipotentia Dei ex defectu aliquius creaturae possibilis (non quidem per locum intrinsecum sed extrinsecum;